

Jasmin Ademović, predsjedavajući Gradskog vijeća

GRAD SARAJEVO

GRADSKO VIJEĆE

Predsjedavajući Gradskog vijeća

Na osnovu člana 32. stav 3. Statuta Grada Sarajeva („Službene novine Kantona Sarajevo”, broj 7/23), i 122., a u vezi s članom 116. te člana 124. Poslovnika Gradskog vijeća Grada (“Službene novine Kantona Sarajevo”, br. 28/09, 11/20 i 19/20), u funkciji gradskog vijećnika, na Prijedlog Izmjena i dopuna Budžeta Grada Sarajeva za 2023. godinu, koji je gradonačelnica Grada Sarajeva utvrdila aktom broj 01/06-11-6230-2/23 od 09.10.2023. godine, podnosim sljedeće amandmane

Amandman 1.

Predlaže se da se naziv stavke planirane u Prijedlogu Izmjena i dopunama Budžeta Grada Sarajeva za 2023. godinu pod Tekućim izdacima, ekonomski kod 614300 – Tekući transferi neprofitnim organizacijama – “Obilježavanje 40 godina Olimpijade – javni poziv” izmijeni tako da glasi “Realizacija Programa obilježavanja 40. godišnjice ZOI 1984 Sarajevo”

Obrazloženje:

Odbor za organizaciju obilježavanja 40. godišnjice Zimskih olimpijskih igara održanih 1984. u Sarajevu je donio “Program obilježavanja 40. godišnjice ZOI 1984 Sarajevo” uvažavajući prijedloge koje su u pripremi programa iznijeli organizatori pojedinih sadržaja programa. Takav program je usaglašan za Olimpijskim komitetom BiH i Međunarodnim olimpijskim komitetom. U programu je navedeno i na koji način će se vršiti sufinansiranje određenih sportskih takmičenja i drugih aktivnosti javnim sredstvima. . Predviđeno je da se za dio planiranih sredstava uputi javni poziv i to za kulturne umjetničke i druge sadržaje koji bi se sufinansirali iz budžeta Grada Sarajeva, a koji bi obogatili, ovu, prije svega sportsku i memorabilnu manifestaciju koja s organizira s ciljem stvaranja uslova u Sarajevu za domaćinstvo nove značajne manifestacije u zimskim sportovima.

Amandman 2.

Predlaže se da se u Prijedlogu Izmjena i dopunama Budžeta Grada Sarajeva za 2023. Tekućim izdacima, ekonomski kod 614100 – Tekući transferi drugim nivoima i fondovima - “Održavanje vodotoka, uređenje, održavanje i zaštita uređenih vodotoka na području grada”, gdje je predložen plan sredstava u iznosu od 350.000,00 KM, umanji za iznos od 15.000,00 KM te se planira u iznosu od 235.0000,00KM, s tim da se na osnovu tako izdvojenih sredstava u Prijedlogu Izmjena i dopuna Budžeta Grada Sarajeva za 2023. godinu, planira nova stavka pod istim ekonomskim kodom, 614300 - Tekući transferi neprofitnim organizacijama –“ Ženski odbojkaški klub "Centar Ort"“ sa pripadajućim iznosom od 5.000,0 KM. U skladu s predloženim se mijenjaju iznosi u zbirnim stavkama koje su funkcije predloženih promjena.

Obrazloženje:

Ženski odbojkaški klub "Centar Ort" trenutno broji 150 djevojčica i djevojaka u kompletnoj školi odbojke, od kojih je njih 45 zvanično registrovano i čine selekciju tima. U školi odbojke se trenira tri puta sedmično i na četiri lokacije, odnosno u četiri osnovne škole u Sarajevu, dok se u selekciji trenira pet puta sedmično, uz utakmice koje se igraju tokom vikenda. Nakon samo šest godina od osnivanja kluba, djevojke se već od ove sezone takmiče u Premijer ligi BiH. Juniorke ovog tima prvakinje države, kadetkinje su viceprvakinje države, dok je pionirska selekcija prošle godine osvojila naslov prvaka BiH. Uzmemo li u obzir činjenicu da u Federaciji BiH ima registrovanih blizu 50 klubova, a u BiH blizu 100, time je ovaj uspjeh daleko veći. Grad Sarajevo treba podržati rad ovog kluba.

Amandman 3.

Predlaže se da se u Prijedlogu Izmjena i dopunama Budžeta Grada Sarajeva za 2023. Tekućim izdacima, ekonomski kod 614100 – Tekući transferi drugim nivoima i fondovima - “Održavanje vodotoka, uređenje, održavanje i zaštita uređenih vodotoka na području grada”, gdje je predložen plan sredstava u iznosu od 350.000,00KM, umanjí za iznos od 15.000,00KM te se planira u iznosu od 235.0000,00KM, s tim da se na osnovu tako izdvojenih sredstava u Prijedlogu Izmjena i dopuna Budžeta Grada Sarajeva za 2023. godinu, planira nova stavka pod istim ekonomskim kodom, 614300 - Tekući transferi neprofitnim organizacijama –“Ženski rukometni klub "Hadžići”“ sa pripadajućim iznosom od 5.000,00 KM. U skladu s predloženim se mijenjaju iznosi u zbirnim stavkama koje su funkcije predloženih promjena.

Obrazloženje:

Ženski rukometni klub "Hadžići" je standardni premijer ligaš koji je u protekloj sezoni ostvario pravo i nastupao na svojoj prvoj evropskoj utakmici evropskog kup takmičenja u okviru Evropske rukometne federacije - *EHF European Cup Women*. Ova postignuća Grad Sarajevo treba nagraditi i podržati ekipu u daljim takmičenjima. Grad Sarajevo treba podržati rad ovog kluba.

Amandman 4.

Predlaže se da se u Prijedlogu Izmjena i dopunama Budžeta Grada Sarajeva za 2023. Tekućim izdacima, ekonomski kod 614100 – Tekući transferi drugim nivoima i fondovima - “Održavanje vodotoka, uređenje, održavanje i zaštita uređenih vodotoka na području grada”, gdje je predložen plan sredstava u iznosu od 350.000,00KM, umanjí za iznos od 15.000,00KM te se planira u iznosu od 235.0000,00KM, s tim da se na osnovu tako izdvojenih sredstava u Prijedlogu Izmjena i dopuna Budžeta Grada Sarajeva za 2023. godinu, planira nova stavka pod ekonomskim kodom, 614300 - Tekući transferi neprofitnim organizacijama –“Ženski košarkaški klub "Play Off”“ sa pripadajućim iznosom od 5.000,00 KM. U skladu s predloženim se mijenjaju iznosi u zbirnim stavkama koje su funkcije predloženih promjena.

Obrazloženje:

Ženski košarkaški klub "Play Off" je standardni premijer ligaš i tri puta osvajač prvenstva Bosne i Hercegovine. Igračice u svim kategorijama kluba postižu izvrsne rezultate te nastupaju i u svim uzrasnim kategorijama reprezentacije Bosne i Hercegovine. Grad Sarajevo treba podržati rad ovog kluba.

U Sarajevu, 23.10. 2023. godine

Jasmin Ademović,s.r